

Հավելված  
ՀՀ կառավարության 2025 թվականի  
մարտի 20-ի N 327 - Ն որոշման

«Հավելված  
ՀՀ կառավարության 2024 թվականի  
նոյեմբերի 21-ի N 1815 - Ն որոշման

## Ը Ն Թ Ա Ց Ա Կ Ա Ր Գ

ԵԱՏՄ ԱՏԳ ԱԱ 0103 92 ԾԱԾԿԱԳՐԻՆ ԴԱՍՎՈՂ ԸՆՏԱՆԻ ՏԵՍԱԿՆԵՐԻ  
ԿԵՆՏՐՈՆԻ ԽՈՋԵՐԻ՝ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔ  
ՆԵՐՄՈՒԾՄԱՆ

1. Սույն ընթացակարգով կարգավորվում են Հայաստանի Հանրապետություն  
ԵԱՏՄ ԱՏԳ ԱԱ 0103 92 ծածկագրին դասվող ընտանի տեսակների կենդանի  
խոզերի (այսուհետ՝ ապրանք) ներմուծման ժամանակ ծագող հարաբերությունները:

2. Հայաստանի Հանրապետության տարածք ապրանքների ներմուծման համար  
Հայաստանի Հանրապետության օրենսդրությամբ սահմանված կարգով գրանց-  
ված կամ հաշվառված իրավաբանական անձինք կամ անհատ ձեռնարկատերերը  
կամ ֆիզիկական անձինք (այսուհետ՝ դիմումատու) սույն որոշումն ուժի մեջ մտնելու  
օրվան հաջորդող 10 աշխատանքային օրվա ընթացքում Հայաստանի Հանրապե-  
տության էկոնոմիկայի նախարարություն (այսուհետ՝ լիազոր մարմին) են ներկա-  
յացնում դիմում՝ համաձայն սույն ընթացակարգի ձևի՝ կցելով ԵԱՏՄ ԱՏԳ ԱԱ 0103 92  
ծածկագրին դասվող ընտանի տեսակի կենդանի խոզերի գլխաքանակի առնվազն  
70%-ի պահպանման չափով անասնաշենքի առկայությունը հիմնավորող փաստա-  
թղթերի պատճենները (համապատասխան սեփականության իրավունքի վկայա-  
կան կամ վարձակալության պայմանագիր) և լուսանկարներ:

3. Դիմումատուն դիմումը և դրան կից փաստաթղթերը ներկայացնում է լիազոր մարմին՝ Էլեկտրոնային եղանակով ([secretariat@mineconomy.am](mailto:secretariat@mineconomy.am)), փոստային առաքմամբ կամ առձեռն: Էլեկտրոնային եղանակով դիմելու դեպքում դիմումն անհրաժեշտ է ներկայացնել Հայաստանի Հանրապետության օրենսդրությամբ սահմանված կարգով՝ Էլեկտրոնային թվային ստորագրությամբ:

4. Դիմումատուի կողմից ներկայացված դիմումում կամ կից փաստաթղթերում թերությունների առկայության, ինչպես նաև փաստաթղթերը թերի լինելու դեպքում լիազոր մարմինը դիմումի մուտքագրման օրվանից 2 աշխատանքային օրվա ընթացքում Էլեկտրոնային եղանակով կամ կապի այլ միջոցներով առաջարկում է դիմումատուին 2 աշխատանքային օրվա ընթացքում վերացնել թերությունները: 2 աշխատանքային օրվա ընթացքում պահանջվող թերի փաստաթղթերը չներկայացնելու կամ թերությունները չվերացնելու դեպքում դիմումը մերժվում է:

5. Լիազոր մարմինը սույն ընթացակարգի 2-րդ և 4-րդ կետերով սահմանված ժամկետների ավարտից հետո 3 աշխատանքային օրվա ընթացքում գրությամբ Հայաստանի Հանրապետության պետական եկամուտների կոմիտե է ներկայացնում տեղեկություն դիմումատուների միջև ապրանքի բաշխման վերաբերյալ:

6. Հայաստանի Հանրապետության պետական եկամուտների կոմիտեն սույն որոշումն ուժի մեջ մտնելու օրվան հաջորդող 10-րդ աշխատանքային օրը նախարարություն է ներկայացնում հետևյալ տեղեկությունները՝

1) 2024 թվականի ընթացքում Հայաստանի Հանրապետության տարածք ներմուծված ապրանքի ծավալների վերաբերյալ՝ ըստ ներմուծողների և վերջիններիս կողմից ներմուծված ծավալների:

2) 2025 թվականի հունվարի 1-ից մինչև սույն որոշումն ուժի մեջ մտնելու օրվա դրությամբ Հայաստանի Հանրապետության տարածք ներմուծված ապրանքի վերաբերյալ՝ ըստ ներմուծողների և վերջիններիս կողմից ներմուծված ծավալների:

7. Լիազոր մարմինը սույն որոշումն ուժի մեջ մտնելու օրվան հաջորդող 10-րդ աշխատանքային օրվա դրությամբ ապրանքի մնացորդը դիմումատուների միջև բաշխում է համամասնորեն ամսական կտրվածքով՝ հաշվի առնելով նախորդ տարվա ընթացքում դիմումատուների կողմից Հայաստանի Հանրապետության տարածք ներմուծված ապրանքի բնափրային ծավալները:

8. Հայաստանի Հանրապետության պետական եկամուտների կոմիտեն՝ սույն որոշման գործողության ընթացքում մինչև հաջորդող ամսվա 15-ը լիազոր մարմին է ներկայացնում տեղեկատվություն՝ սույն որոշումն ուժի մեջ մտնելուց հետո ամսական պարբերականությամբ յուրաքանչյուր ամսվա ընթացքում Հայաստանի Հանրապետության տարածք ապրանքի ներմուծված ծավալների մասին՝ ըստ դիմումատուների, ինչպես նաև պաշտոնական կայքում տեղադրում է տեղեկատվություն՝ յուրաքանչյուր ամսվա ընթացքում ներմուծված ապրանքի քանակի վերաբերյալ:

ԴԻՄՈՒՄ

1. Դիմումատու՝ \_\_\_\_\_

2. Իրավաբանական անձի կամ անհատ ձեռնարկատիրոջ ՀՎՀՀ-ն, ֆիզիկական անձի ՀԾՀ-ն կամ անձնագրային տվյալները՝ \_\_\_\_\_

3. Իրավաբանական անձի կամ անհատ ձեռնարկատիրոջ գործունեության իրականացման վայրը, ֆիզիկական անձի բնակության կամ հաշվառման հասցեն՝ \_\_\_\_\_

4. Դիմումատուի հեռախոսահամարը, էլեկտրոնային փոստի հասցեն, ինտերնետային պաշտոնական կայքը (առկայության դեպքում)՝ \_\_\_\_\_

5. Տեղեկատվություն ԵԱՏՄ ԱՏԳ ԱԱ 0103 92 ծածկագրին դասվող ընտանի տեսակի կենդանի խոզերի կանխատեսվող ներմուծվող գլխաքանակի վերաբերյալ՝ \_\_\_\_\_

6. Լրացուցիչ տեղեկատվություն (անհրաժեշտության դեպքում) \_\_\_\_\_

7. Ներկայացված տեղեկությունների իսկությունը հաստատում եմ:

(իրավաբանական անձի իրավասու ներկայացուցչի կամ անհատ ձեռնարկատիրոջ, ֆիզիկական անձի ստորագրությունը, անունը, ազգանունը)»:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՎԱՐՉԱՊԵՏԻ ԱՇԽԱՏԱԿԱԶՄԻ  
ՂԵԿԱՎԱՐ

Ա. ՀԱՐՈՒԹՅՈՒՆՅԱՆ